

সারাদেশ

কুষ্টিয়ায় শিক্ষার্থীদের মাঝে বৃত্তি, ফ্রেস্ট ও সনদ বিতরণ

বিভেদ সৃষ্টি হলে মাফিয়াতন্ত্র আবারও মাথাচাড়া দিয়ে উঠবে: প্রতিমন্ত্রী পুতুল

প্রতিবেদক: কুষ্টিয়া প্রতিনিধি

প্রকাশের তারিখ: রোববার, ৩০ আগস্ট ২০২৬, ০৫:২৩ PM



কুষ্টিয়ার মিরপুরে মেধাবী শিক্ষার্থীদের মাঝে বৃত্তি, ফ্রেস্ট ও সনদপত্র বিতরণ করা হয়েছে। এ সময় মহিলা ও শিশুবিষয়ক এবং সমাজকল্যাণ প্রতিমন্ত্রী ব্যারিস্টার ফারজানা শারমিন পুতুল বলেছেন, দেশের মানুষের ঐক্য অটুট রাখতে হবে। অভ্যন্তরীণ বিভেদ সৃষ্টি হলে অতীতে দেশকে শোষণকারী মাফিয়াতন্ত্র আবারও মাথাচাড়া দিয়ে উঠতে পারে।

শুক্রবার (৭ আগস্ট) বেলা ১১টার দিকে মিরপুর উপজেলার সদরপুর মাধ্যমিক বিদ্যালয়ের হলরুমে সদরপুর স্কলারশিপ ওয়েলফেয়ার ফাউন্ডেশনের উদ্যোগে বৃত্তি প্রদান অনুষ্ঠানে প্রধান অতিথির বক্তব্যে তিনি এসব কথা বলেন।

প্রতিমন্ত্রী বলেন, “অনেক ত্যাগ ও কষ্টের বিনিময়ে আমরা এমন একটি সময় অর্জন করেছি, যখন শিশু-কিশোরদের সঙ্গে স্বাধীনভাবে বসে কথা বলা যাচ্ছে। এই সময় যেন বাংলাদেশের ইতিহাস থেকে আর কখনো মুছে না যায়, সে জন্য সবাইকে ঐক্যবদ্ধ থাকতে হবে।”

তিনি আরও বলেন, "আমাদের মধ্যে বিভেদ তৈরি হলে দীর্ঘদিন ধরে দেশকে শোষণকারী মাফিয়াতন্ত্র আবারও মাথাচাড়া দিয়ে উঠবে। আমরা তা কোনোভাবেই হতে দিতে চাই না। সরকার দেশের উন্নয়নে প্রয়োজনীয় সব ধরনের সহযোগিতা দিতে প্রস্তুত। এজন্য জনগণকে নিজেদের প্রয়োজন ও দাবিগুলো যথাযথভাবে তুলে ধরতে হবে।"

অনুষ্ঠানে প্রধান বক্তা হিসেবে বক্তব্য দেন সংরক্ষিত নারী আসনের সংসদ সদস্য ফরিদা ইয়াসমিন। উদ্বোধনী বক্তব্য দেন বাংলাদেশ জাতীয়তাবাদী দল (বিএনপি) কেন্দ্রীয় কমিটির সদস্য ব্যারিস্টার রাগীব রউফ চৌধুরী।


এ সময় উপস্থিত ছিলেন মিরপুর উপজেলা নির্বাহী কর্মকর্তা (ইউএনও) আফরোজ শাহীন খসরু, মিরপুর থানার ভারপ্রাপ্ত কর্মকর্তা (ওসি) মো. শহিদুল ইসলাম, স্থানীয় জনপ্রতিনিধি, শিক্ষক, অভিভাবক এবং বিভিন্ন শিক্ষাপ্রতিষ্ঠানের শিক্ষার্থীরা।

অনুষ্ঠানের শেষে বৃত্তিপ্রাপ্ত শিক্ষার্থীদের হাতে ফ্রেস্ট, সনদপত্র ও বৃত্তির সম্মাননা তুলে দেন অতিথিরা।

এ বিভাগের আরও খবর



সমঝোতার পর বিকল্প ভেন্যুতে ব্রাহ্মণবাড়িয়া সরকারি কলেজের নবীনবরণ কনসার্ট আয়োজিত
[কওমি ছাত্র একা পরিষদের সঙ্গে 'সমঝোতার' পর বিকল্প ভেন্যুতে আয়োজিত হয়েছে ব্রাহ্মণবাড়িয়া সরকারি কলেজের নবীনবরণ কনসার্ট। আজ (সোমবার, ১৪ সেপ্টেম্বর...]



নীলফামারীতে অধিযাচনকৃত ট্রাকে পরিত্যক্ত কারাগারের সরকারি মালামাল পাচারের চেষ্টা
নীলফামারী শহরের পরিত্যক্ত পুরাতন কারাগারের ইট, লোহা ও কাঠসহ মূল্যবান সরকারি সম্পদ চুরির অভিযোগ নিয়ে চাক্ষুষ সূচি হয়েছে। সরকারী কোনোপ্রকার...



সাতক্ষীরায় পুকুরে ডুবে ২ শিশুর মর্মান্তিক মৃত্যু
সাতক্ষীরায় পুকুরে গোসল করতে গিয়ে পানিতে ডুবে দুই শিশুর মৃত্যু হয়েছে। সোমবার (১৪ সেপ্টেম্বর) দুপুরে সাতক্ষীরা পৌর শহরের বাটকেখালি এলাকায় গফুর...



ফোন না ধরায় টিকিট কাউন্টারে গিয়ে মারধরের অভিযোগ যুবদল নেতার বিরুদ্ধে
ব্রাহ্মণবাড়িয়া রেলওয়ে স্টেশনে তিতাস কমিউটার ট্রেনের টিকিট কাউন্টারে চুকে কর্মীদের মারধরের অভিযোগ উঠেছে এক যুবদল নেতার বিরুদ্ধে। মঙ্গলবার বেলা...